

FPEP UMS jalin kolaborasi dengan Akita International University

UB 16.8.2016 A7

KOTA KINABALU: Fakulti Perniagaan, Ekonomi dan Perakaunan (FPEP) UMS telah mengelolakan secara bersama dengan Akita International University (AIU) dan Universiti Teknologi Malaysia (UTM) Program Summer School 2016 melibatkan pelajar dari AIU dan UTM.

Program itu berlangsung selama 10 hari bermula dari 8 hingga 18 Ogos 2016. Summer School 2016 turut mendapat sokongan padu daripada Kementerian Pelancongan, Kebudayaan dan Alam Sekitar, agensi pelancongan di peringkat negeri, serta komuniti terlibat.

Dalam ucapan alu-aluannya, Dekan FPEP Prof Madya Dr Raman Noordin mengalu-alukan kesudian pihak AIU dan UTM melaksanakan program itu secara kolaborasi penuh dengan FPEP UMS.

Menurut beliau kolaborasi seumpamaitu bukannya dapat meningkatkan pengetahuan pelajar mengenai keindahan

flora dan fauna Sabah, bahkan jugamenjadi ruang untuk pelajar (khususnya pelajar antarabangsa dan dari Semenanjung Malaysia) mengalami sendiri budaya dan corak hidup masyarakat tempatan, khususnya dikawasan luar bandar negeri Sabah.

“Program ini turut menjadi medan terbaik untuk membudayakan budaya penyelidikan secara ‘hands-on experience’ dalam kalangan pelajar.

“Summer School 2016 melibatkan pelajar Program Pelancongan dari tiga universiti berkenaan yang berkonsepkan Project Based Learning. Program ini pada asalnya diseliasa oleh UTM dan buat julung kalinya diadakan bersama AIU dan UMS.

“Program ini turut memberi peluang kepada pelajar FPEP, UMS untuk mendalami isu-isu terkini dalam bidang pelancongan seperti Green Economy in Tourism, dan Good Governance of Protected Area.”



RAMAN (duduk, tengah) dengan diapit oleh Amran (kanan) dan Tetsuya (kiri).

katanya.

Program yang berlangsung selama 10 hari itu diisi dengan siri ceramah dan juga sesi perkongsian bersama pemain industri seperti Lembaga Penggalakan Pelancongan Sabah, Taman Taman Sabah dan pengusaha Homestay Walai Tokou di Kundasang.

Di peringkat Fakulti (FPEP UMS), program itu diletakkan di bawah Program Pengurusan Pelancongan yang diketuai oleh Dr Tini Maizura Mokhtar.

Seiringan dengan program itu juga, satu majlis menandatangani surat niat telah dijalankan di antara AIU dan FPEP, UMS dengan

hasrat untuk menggalakkan kerjasama dan hubungan yang kukuh dalam bidang kerjasama akademik dan penyelidikan, pertukaran pelajar, pertukaran budaya dan penganjuran persidangan antara Fakulti Perniagaan, Ekonomi dan Perakaunan, UMS dan AIU Jepun.

Turut hadir di majlis itu ialah Pengarah Pusat Perancangan Inovatif dan Pembangunan UTM Prof Dr Amran Hamzah, Timbalan Pengarah Pusat Asia Timur dan Penyelidikan AIU Prof Madya Tetsuya Toyoda, dan Timbalan Dekan Penyelidikan dan Inovasi FPEP Dr Rini Suryati Sulong.